

Kommuneqarfik Sermersumi inuussutissarsiutigalugu qaleralinnik aalisarneq pillugu maleruaqqusaq

Aalisarneq pillugu inatsisartut inatsisaat nr. 18, 31. oktober 1996-imeersumi §§ 23, imm. 2, 33, imm. 3 naapertorlugu kiisalu Sinerissap qanittuani qaleralinniarneq pilugu Namminersorlutik Oqartussat Nalunaarutaat nr. 2, ulloq 2. februar 2012-imeersumi § 12, imm. 2 naapertorlugu makku aalajangersarneqarput:

Atuuffia, nassuaatit il.il.

§ 1. Maleruaqqusaq Kommuneqarfik Sermersumi qassutit atorlugit inuussutissarsiutigalugu qaleralinniarnermut tunngassuteqarpoq.

§ 2. Maleruaqqusami uani ”qassutit” taaneqartillugit makku pineqarput: Qassutit kivisittakkat qassutillu allat, bundgarnilli matumani pineqanngillat

§ 3. Kommuneqarfik Sermersumi qassutit atorlugit qaleralinniarneq inerteqqutaavoq.

Stk. 2. Kommunilli sineriaa kangianiittooq inerteqquteqarnermi tassani ilaatinneqanngilaq.

Kommunip avannamut kangimut Kap Biot killigaa. Kommunip kujammut killeqarfia Timmiarmiut avannaanni qeqertamit avannamut kimmuit Timmiarmiit Kangertivatigoorluni Snehatten-ip kitaani kangerluup qinnguani sermip iigartarfia tikillugu killigaa. Kommunip immap tungaani killeqarfia United Nations Bulletin no. 56, Law of Sea naapertorlugu basisliniap tungaanut ippoq. Takuuk ilanngussaq 1.

Aalisarnermi piumasaqaatit

§ 4. Qassutit atorneqartut atuisumit erseqqissumik ilisarnaasigaassapput. Uku puttaqutini tamani nalunaarsuutaassapput:

- 1) Atuisup aqqa,
- 2) Angallatip atorneqartup aqqa, aamma
- 3) Umiarsualivimmi ilisarnaat.

Stk. 2. Ilisarnaatit immamit nungusarneqarsinnaanngitsut atorneqassapput, qassutinullu qullinngorluginvertinneqassapput. Aalisaatinut atortuni tamani ilisarnaasersuutit aamma taamatut atorneqassapput.

§ 5. Kinaluunniit qassutit atorlugit aalisarnermik unitsitsisoq, qassutit atukkani, taakkulu atortui ingerlaannartumik piissavai.

Stk. 2. Kinaluunniit qassutit atorlugit qaleralinniartoq, ukiornerani kangerlunni sikunialersinnagu qassutiminik taakkulu atortuinik pisariaqanngitsumik kinguaattoornertaqanngitsumik amusissaaq, tamannalu kingusinnerpaamik ulloq 1. December pisassaaq.

Stk. 3. Kinaluunniit aalisarnermut qassutiminik annaasaqartoq, taamaattoqarnera pillugu ingerlaannartumik communalbestyrelsimit nalunaaruteqassaaq, nalunaaruteqarnermilu piffik qassutaarserfiusoq erseqqissumik ilanngullugu nalunaarutigineqassaaq.

Stk. 4. Aalisartoq qassutaarsiuutiminik ujarlissalluni pisussaatitaavoq.

Stk. 5. Qaleralinniarnermi atortoq, atortumit allamit minnerpaamik 50 meterisut ungasissusilimmut inissinneqassaaq. Minnerpaamik ungasissusiliinissamik piumasaqaat manna ningittagorsorluni aalisarnermut tunngasuunngilaq.

Stk. 6. Atortut marluk imminnut ilarussimappata, taakku nammineq atortup kipineratigut imminnit avissaartinneqassapput.

Pineqaatissiissutit atuutilerfissarlu

§ 6. Maleruaqqusamik §. 3, imm. 1, § 4 aamma § 5 unioqqutitsisoq akiliisussangortinnejarsinnaavoq, atortunillu arsaarinniffigineqarsinnaalluni. Akiliutigititaq atortullu arsaarinnissutigineqartut nalingi Landskarsimut nakkartinneqartassapput.

§ 7. Maleruaqqusaq una atuutilerpoq ulloq 15.04.2014.

Stk. 2. Tamatuma peqatigisaanik maleruagassat uku atorunnaarpot:

- 1) Kommuneqarfik Sermersumi qassutit kivisittakkat atorlugit maleruaqqusaq, ulloq 29. april 2011 atulersoq, atorunnaarsinnejarpooq.
- 2) Ammassallup kommuniani qassutit kivisittakkat pillugit maleruaqqusaq 4. marts 1997-meersoq atorunnaarsinnejarpooq

Kommuneqarfik Sermersumi Kommunalbestyrelsimit akuersissutigineqarpoq , ulloq 26.11.2013.

Asii Chemnitz Narup, Kommuneqarfik Sermersumi Borgmesteri

Namminersorlutik Oqartussat, ulloq 3. april 2014

Finn Karlsen, Aalisarnermut, Piniarnermut Nunalerinermullu Naalakkersuisoq